

ACTA AVDIENTIAE
P V B L I C A E

A S. D. N. PAVLO V.
PONT. OPT. MAX.

REGIS VOXV IAPONI
LEGATIS

Romæ die iij. Nouembris in Palatio Apo-
stolico apud S. Petrum exhibitæ,
MDCXV.



R O M A E,
Apud Iacobum Mascardum : MDCXV.

Superiorum Permissu.

Imprimatur, s. videbitur Reverendiss. P. Mag. Sacri Palatii Apostolici;
Cesar Fidelis Vicegerens.

Imprimatur.
F. Gregorius Donatus Romanus Reverendiss. P. F. Hyacinthi Petronij
Rom. Sacri Palatii Apostolici Magistri Socius, Ord. Præd.



ILLVSTRISS. ET ECCELLENTISS. D. D.
M. ANTONIO BVRGHESIO
SVLMONAE PRINCIPI, &c.
PATRONO COLENDISSIMO.

FR. ANGELVS RIVOLTA ORD. MIN. OBSERV.
P R O V . B R I X I A E S .



HABITAM Orationem à quatuor diebus
coram Sanctissimo Domino, & Purpureorum
Patrum conuentu pro Voxij Regis Iaponici
Nuncijs, Eccellentissime Princeps, ab Aucto-
re precibus assequi non potui; conscius furtum
in eum excogitatum, ne deprauata prodiret,
clam coinscio; ipsiusmet manu conscriptam,
& st veluti figuratam umbratam solummodo,
nondumq. pro temporis ei indiçti angustijs, coloribus corporatam, sus-
suli, & postulationibus innumerabilium, etiam precipui Ordinis, qui
eum tecum audierant, indulgens, curauit aëta totius illius concionis,
prout presens vidi, & audiui, obtinere, flagitantq. Impresseri tra-
didi. Auctor re cognita, in me indignatione exarsit: Dixi tuo nomi-
ni Sacram; filuit, ac reuerenti assensu producendam concessit. Ne-
me Hermodorum illum Platonis auditorem, qui tanti Viri cœnenta-
rios in mercimonium asportabat, imitatum existimes. gratis tradidi
quacunque tradidi, gratis à te suscipi depono: tibi tua recedenda quid-
quid in illis aëlis; fuit honoris, BVRGHESII splendoris opus
uit: Disc ipulus à Magistro in hoc non degenerans BVKGHLSII
felicitatibus congratulor. Ex Aedibus Araclitanis 7. Nouembris
1615.

SEDENTE PAVLO V. Pont. Max. in Aula con-
stigua Aula Clementina, Cardinalibus pro Consistorio
& alijs publicis actibus destinata, die 3. Nouem. MDCXV.
Vespertinis horis, in S. R. E. Cardinalium confessu, & ma-
gna Principis Sulmonæ, & Antistitum, & Prælatorum, No-
biliumque virorum frequentia, summo, & celeberrimo co-
mitatu introducti Legati duo Regis Voxu Iaponi, Frater
Ludouicus Sotelus, &c. & Don Philippus Franciscus, &c. post
solemnem summi Pontificis adorationem, & Beatorum pe-
dum oscula, ab eodem eximia cum significatione beneuo-
lentia, & charitatis accepti, in locum à designatore præsti-
tutum, magna cum modestia secesserunt. Posthæc allatæ ab
ijs Regis litteræ, publicè recitantur ex Iaponico in Latinum
sermonem conuersæ, in hæc verba:

*Litterarum exempla Regis Voxu Iaponi ad Paulum Quintum
Pont. Max.*

MAGNI, ET VNIVERSALIS,
 Sanctissimiq. totius Orbis Patris Domini Papæ
 Pauli Quinti pedes cum profunda summissione,
 & reuerentia osculando Idate Masamune in Im-
 perio Iaponico Rex Voxij, suppliciter dicimus.



Cum venisset Pater frater Ludouicus Sotelo Ordinis sancti
 Francisci religiosus ad meum Regnum, & in eo Christianam
 legem prædicasset, me inuisit, ab eoq. eam audiui, & mysteria
 multa, quæ de ritu sunt, & ceremonia Christianorum, aperuit,
 quæ sane in corde recondens, & perscrutans cognoscens
 vera esse, & salubria, suscipere profitenda, nisi me aliqua
 negotia deturbarent, & inexcusabiles causæ detinerent, si tamen
 pro nunc ego non valeam, cupio saltim meas gentes, & subditos
 populos Christianos fieri; hoc, ut feliciter eueniat, ad me mittas
 quæso, Beatissime Pater, Religiosos Ordinis sancti Francisci, qui de obseruantia
 nuncuntur; hos enim præcipue diligo, & obseruo; tua verò
 Altitudo ipsis ample concedere non horreat omnes licentias, fauores,
 & quæcunque alia ad id necessaria. Ego autem iam terram hanc
 ingressos adiuuare non desistam: sed in Monasterijs ædificandis,
 & in alijs rebus, quibus potero beneficijs inseruiam;
 similiterque expostulo, ut in meo Regno disponas, gubernes,
 instituas, omnia ea qua ad propagandam sanctam Dei legem
 utilis tibi fore placuerint, præcipue, ut in eo instituas, & crees
 quendam magnum Prælatum instanter supplico, cuius
 obseruantia, & sollicitudine, omnes, qui in eo habitant,
 quam pridie Christianos fieri non dubito; de ipsis autem
 expensis, & redditibus ne quæso anxius sis, quia ut copiose
 fiat, nostræ sollicitudinis, & curæ proprium esse volumus.

Cuius rei causa ad te mitto prælatum fratrem Ludouicum Sotelo
 legatum meum, à quo possis de corde meo, quæ tibi visa fuerint
 sciscitari; optime namque nouit, quæ circa prædicta in eo sunt,
 & hæc, ut effectum habeant ipsi roganter misso beneuolas aures
 concedat, & honorem præbeat tua Beatitudo, cui etiam
 comitabitur quidam nobilis eques domus meæ, qui
 Faxecura Rotuyemon nominatur, qui similiter legatus
 meus existit, ut ambo mei vices agentes obsequij, & obedientiæ
 causa ad sanctissimam usque Romanam Curiam
 peruenientes tuos beatissimos pedes pro me osculentur,
 & si forte prædictus Pater frater Ludouicus Sotelo in via
 fuerit vita functus quilibet alius ab ipso designatus,
 ut legatus ad te admittatur tamquam si ipse viueret.

Cognoui præterea, quod meum à Nouæ Hispaniæ Regnis,
 quæ potestati, ac ditioni potentissimi Regis Hispaniæ Philippi
 subsumunt, non multum distat: qua propter cum desiderio
 communicandi cum ipso, & cum illis

Christianorum Regnis, eius amicitiam exopto, quod equidem sit fore, confido si tua auctoritas interueniat, precibus humiliter peto, ut hoc Altitudo tua incipiat, & ad finem usque perducatur, maxime quia necessaria via religiosi ad te in hoc Regnum missus est. Præ omnibus pro me orabis omnipotentem Deum, ut ad eius amicitiam valeam peruenire. Si verò in hoc Regno aliqua videris tuo obsequio, & voluntati gratiosa, iubeat Altitudo tua, quoniam, ut voluntati tuæ respondeamus, totis viribus adimplebimus. Hunc autem licet exigua sint dona, quia tamen ex longinqua regione adueniunt, cum reuerentia, & timore pauca, ex Iapone tibi offero. In omnibus alijs nos remittimus ad prædictum Patrem Sotelo, & Equitem Rotuyemon, & ea quæ ex parte nostra tractauerint, & rata fecerint, ipsa & rata esse volumus. Ex Ciuitate, & Curia nostra Fendai anno decimo octauo ætatis Quecho quarto, die Lunæ nonæ, idest Anno salutis Millefimo sexcentesimo tertio decimo. Pridie Nonas Octobris.

Cognomen dignitatis

Matcundayra Mutcunocami.

Nomen, & Cognomen Regis

Idate Masamune.

Dies inscriptionis, ut supra.

Recitatis litteris, & silentio indicto, ipsorum Legatorum, & Regis nomine sequens Oratio est habita à R. P. Gregorio Petrocha Mantuano Ord. Min. Obseru.

O R A T I O .

Fratri Gregorij Petrocha Mantuani, Ord. Min. de Obser.



ZELVS pietatis, eò tandem his diebus peruenit, (SVMME PONT.) vt per tuos filios, ac famulos Christi nomen, & annuncietur in Gentibus, & Regna fructificet. Dominus & Saluator noster suum obsequentem, diligentem, & consistentem Petrum, insigni notione indigitans, Beatum, illum vocetenus nominauit. Beatus es Simon Bar-iona, cui concordans Ecclesia, & pro suo Pastore intercedens, dicit. Dominus conseruet eum, & viuificet eum, & beatum faciat eum in terra. Qui fastigium Apostolatus ægrè ferunt, indignantes sedenti in ista Cathedra, Sanctissimi nomen tribuere, te, num beatissimum inficiari audent? Pro Sanctitatis appellatione, nosse, pro nunc, sufficiat, cuius in terris vices geras; pro beatitudinis autem titulo meminisse sat erit, hic quem excipias, quando excipias, quorsum excipias. Idatem Masamunem, Vojij Regem, intra Iaponem; in duobus Legatis, Philippo, scilicet Francisco Faxecura, apud Gentilitios clarissimi nominis, Regio sanguini coniuncto, Christi milite, & Ludouico Sotelo, Minorita, ex obseruantibus, Christi sacerdote excipis, & excipis tui felicissimi Pontificatus anno Vndecimo, & ad fœdus reuerentiæ, beneuolentiæ, obedientiæ, ac fidelitatis, excipis: Gentilem quidem Christo, eiusque sponsæ Romanæ Ecclesiæ acquiris, sed Regem, & potentissimum, & voto Christianū. Petro, cuius es successor, quàm lætum, ex Gentilibus Cornelium excipere? Paulo, cuius nomine honoraris, quàm lætum, nosse quòd Macedones verbum veritatis exceperint, & in eo, persecutione quamuis reclamante perstitissent? Dei Genitrici, cuius deuotione ferues, quàm lætum Tharsis, Arabum, Sabæq. Reges, filij sui pedibus obuolutos inspicere? Domino ipsi, cuius Vicariam exerceas, quàm lætum ex nationibus Regulum, & Centurionem militem in suam sortem adscribere? non tibi lætum Regem gentium excipere? Pater in filiis laudabilis, non laudandus Beatus Franciscus in suis hodie filiis, quibus tuæ beatitudini, tantum lætitæ adiicitur? Seraphicus feruor sub hisce cineribus delitescens, en hodie quomodo erumpit in caumata? igneos radios exsufflans, exterarum nationum viscera, en quomodo calefecit? Dulci Christianæ, charitatis incendio, en quomodo flagrare, fragareq. facit? Lex Domini immaculata, conuertens animas, testimonia sua nimis credibilia reddidit; non ferreis viribus, non aureis illicijs, sed specie sua

& pulchritudine sua : His gentium illarum nepharijs legibus inualuit ; his incedens prospere ; processit ; his regnat ; his abhominandæ lucæ, Iotoches Camis, & Amidæ, cunctorumq. Idolorum culture sese opponens , Dæmonem laceſsiuit, proſtigauit, ſtrauit : Horum qui adſtant relatu nunciatur , à prædicto Rege, cæleſti ueroque numine aspirante , auditum per fratrem Ludouicū Sotelum, quē intueris, Romanum Catechiſmum; Chriſti legem, legem perfectæ libertatis agnitam, ab omni uitiorum, ſordiumq. ſeruitute immunem, lugum ſuaue; Onus leue celebratam; Dīras illas inhumanæ feritatis inciſuras, quibus in gratiam defunctorum Principum cariores ſeſe exenterare tenebantur, Regia auctoritate vetitas, atque damnatas; Impietatem apud populos ab immemorabili præteritarum hitoriarum recordatione inolitam, abolitam; Tempia dæmonum euerſa; Maturaximam, hoc eſt phanum inſignæ præmultis, expurgatum, & Chriſto dedicandum reſeruatum; Breui ſpatio octingenta inanum numinum ſimulacra, comminuta; Sacrificolas, eorum lingua Bonzios nuncupatos, in Chriſti mancipia conuerſos, reſuſtantes, Idate uitore, & Faxecura, quem intueris executore trucidatos; Morum prauitates, corruptelas, aſperitates, in bonam frugem mutatas; Solidis edictis fidem iuxta S. R. Eccleſiam, extra quam non eſt ſalus, publicitus commendatam; & ut quicumque baptizari uellent, impunē, & abſque Regis indignatione poſſent, baptizandis præmia ſunt propoſita; baptizatis præcipui Magiſtratus colati ſunt. Quid amplius à Catechumeno? tot præſtitit Ezechias. Si ſie per Salomonem, de ipſius ſalute nulla nunc lis ſuper'eſſet. Exulto Sanctiſſime Pater, in tuæ Beatitudinis iucunditatibus, non modo, quod Regem excipias, ſed quod nunc excipias. Duobus menſibus nondum elapſis, de tua in Beatum Franciſcum (non præter morem tuum, ſed ſupra modum) propenſione mirabamur; conceſſiſti enim cunctis fidelibus per vniuerſum orbem, ut decima ſeptima die menſis Septembris ſacrorum Stigmatum Seraphici Patris officium ritu ſolemnī celebrari poſſet: Huius affectus ratio ignorabatur, nunc explorata habetur. Par pari reſerre ſat agentis eſt; quia Franciſcus, ſacris tuis felicitatibus inclinatus, tibi mel, & apem comparauit; fidem ſcilicet Gentium, & earum Regem ſine aculeo; tu ei gloriam pro gloria retuliſti. Triginta tribus ab hinc annis ex eiſdem plagis ab Occidente, meminimus Franciſcum Regem Bunterum, Protaſium Regem Arimæum, & Bartholomeum Omurciæ Principem, Chriſto appoſitos, ad Gregorium XIII. Oratores miſiſſe, qui tertio anno poſtquam è Iaponia diſceſſerant, ad Urbem applicuerunt: Urbs rei nouitate, & cauſæ pietate, in cæleſtium deliciarum hortis eſſe videbatur. Decebat, ut quo tempore Romano Pontificio, Romanus præſidet ab Oriente earundem plagarum deliciæ ingeminarentur. Et ſi aliquando Roma ciuem ſuum, re fortiter geſta, romanitatem aſſecutum, Paulum Doctorem Gentium habuit, aliquando etiam nobilem, & natiua romanitate, & rebus optime geſtis, Paulum Ductorem Gentium haberet: Viderunt oculi no-

stri, quàm magnificè Dominus vltra Idumzæam extendat calceamentum suum: Latere, quia tibi datum est, in hoc calceamento pedem suauiter admouere. Sed dicet fortè aliquis; latandum vtique latandum; sed magis si prius baptizatus Rex, nuncios direxisset; latandum, sed magis si citius ad Christianam Religionem properasset: De primo, non est meum definire. In mora periculum esse scio; Scio non quemlibet esse omnium horarum hominem: Scio tamen etiam, Arcam Domini ex lignis leuigatis ædificandam; vnum præ alio comptiorem leuigatione non postulat? In celandis pretiosis, studia maiora nonne sunt adhibenda? æquene porfreticus ac tyburtinus lapis inciditur? æquene elaboratum opus in adamante, vt in topatio? Elegancia non quandiu, sed quàm bene sint expolita primò disquiritur. In re tanti ponderis, quo maior catechismus in capite, eò maior species, maiorque venustas in membris. Principi in summa natandum est aqua, ei non sufficit peritum haberi, oportet insignitè peritum esse, Eximiam fidei eruditionem in Principe, Christiana religio postulat. Hæc autem, & ratione, & vsu comparatur; persistendo, ducet Rex alios persistere docere. Nonne solliciti est pro ritu sacrorum omnia parare, ne ad Aram, vt vulgo dicitur, in consultando cunctari contingat? non differt baptizari Idates, baptismum perterritus, sed alto quodam intuitu, in vberiore segetem agri salutaris. De secundo; tempestiuum laudare accessum, sed ferotinum non miror. Sol omnia lustrans ab Oriente incipit, in Occidente desinit. Bungeri, Arimæi Omurcij, in capite Iaponicæ regionis (nisi me geografia fefellit) ab occasu solis degunt; Voxij in alio extremo, ab Oriente; Christus lux mundi nouo vsurus ordine, primos nouissimos, & nouissimos primos; esse voluit, ac proinde ab illis, ad Voxios festinauit. Latemur quod triginta triu annorū curriculo, vidimus Angelū ascendentē ab ortu solis habentem signū Dei vini, per suos annunciaffe Christum Nangasche, ad Occidentalem regionem, & Euangelium, sanguinis rubrica confirmasse, & nunc, per eosdem, suos, annunciari videmus ad Orientalem, atque laudari, A solis ortu vsq; ad occasum, laudabile nomen Domini. In linteo illo, in quo Apostolorum Cephas, conuertendos Gentiles, mysticis sub ænigmatibus inspexit, sacra referente historia erant volatilia, quadrupedia, & serpentina terræ; Volatilia, citius, quàm Serpentina mouentur; Draco, licet alatus, non ita velociter sicut Aquila prouocat pullos suos: Video per misericordiam Dei, & incomprehensibilia iudicia eius ex remotissimis orbis partibus ad Christum conuenisse volatilia; video conuenire serpentina, & ex ænigmatibus quæ considero, à fine vsque ad finem veritas attingit; vix linea mediat; Christus vtrumque iungit, & vterque polus, seruiet vni: Venient, venient ad te sic à meridie, & aquilone, sicut ab Occidente, & Oriente, Reges, & Populi, & puluerem pedum istorum lingent. Syren Amicum nunciat. Totius habitabilis loci, longitudo, octingentarum leucarum describitur, latitudo, angusta, supra centum leucas perparum; fides prædicata per longum,

gum, est etiam prædicata per latum. Processus Religionis ab Oriente, superat processum eius ab Occidente per centum leucas. Totius Imperij conuersionem videbit, & lætabitur cor tuum. Quamuis autem in negotio salutis præpropere nulla sit cura, dicā tamen, venire nunc Idatem, in medietullio dierum suorum idest, annorum 49. Dei inscrutabili consilio; in hac enim mensura perfectæ ætatis, apud suos, (si sibi sapientes videntur,) non videbitur, (nisi temerè) eius conuersio animi esse in re Christiana non exercitati; non abiecti; qua censura primi fideles ab infidelibus despiciantur. Regis ad exemplum Regnum vniuersum; ipsum Iaponicum Imperium componendum, spero: Multæ prudentiæ Principem esse Idatem, interregni suppressæ discordiæ insinuant; strenuissimum Ducem, bella gloriôsè peracta; Ditissimum, cætuaginta millium armatorum continuata, & cotidiana stipendia; Fœlicissimum, subditorum, ac finitimorum beneuolentia; Potentissimum, vincula duplicis coniugij, cum filio, scilicet, ac filia summi Iaponiorum Imperatoris: quo fit (& ad postremum dicendorum attinet) vt eum eò libentius excipias, teq. beatissimum orbi vniuerso demonstrares. Quorsum enim ad te mittit? quorsum excipi postulat? fortè, vt ingruente necessitate, illum subsidiarijs copijs adiuues? Vt hostium eius insolentes impetus cohibeas? vt suæ ditioni rebelles compescas? Regium suū (audite Patres purpurei) Regium suum diadema, sceptrum, amictum, sacris his pedibus Idates inclinat. Sacrum (si fieri potest mecum à lachrymis temperate) sacrum regenerationis lauacrū ibi proficere petit; benedictiones in spiritualibus deposcit; sua viscera maternis visceribus S. R. Eccl. & paternis Romani Pontificis iungi exoptat. Christum in Paulo V. & Paulum Quintum in Christo genuflexus, & prouus adorat. Regularem propterea ad te venire rogauit; & Principem sibi subiectum, iuxta cor suum misit, nondum quidem tunc baptizatum, sed in itinere baptizandum, prout 17. Februarij, præsentis anni, Madriti coram Catholica Maiestate, solenniter baptizatus est, vt eius nuncij spiritu pleni, spiritum redolerent, spiritum eructarent; spiritualia requirerent, spiritualia referrent: Aus ex Aibus; qualis futuris sit Idates Christianus, Idates catechumenus indicat. In catechizandis rudibus regula fuit Beati Augustini ad suum Deo-gratias, primitus explorandam accedentis intentionē, scilicet ne, an ex corde, spiritu, an leuitate accedat: Qualis intentio Idatis? intentio pietatis: Rex enim iste à 12. annis cœpit Christo affici; à quatuor in Christo reficari; Breui curriculo multum profecit; Christianos excipiens factus est eorum hospes; Ex hospite, amicus; ex amico, discipulus; ex discipulo tutor; ex tutore, propagator; ex propagatore, norma, & exemplar Principibus Iaponicis ad Christum aduendum. Apud Principem sibi proximum, qui Christianos in suo principatu admissos, vix patiebatur, accidit vt ille se ab eis læsum censeret; qui tanta indignatione in eos effudit, vt mille cum octingentis in carcere simul haberet, morti destinatos; ex quibus aliqui ad securim, aliqui ad suspendium adducebantur; Sacerdotes verò

& Concionatores ad ambustionem. Vna dierum maximus numerus horum, & illorum expectabatur ad necem. Iam rogos paratus, iam imminenti spectaculo popularis multitudo conuenerat, iam flamma vorax ad pabulum extorquebat; Idates rei conscius, ab auctore martyrij, sola in Christum pietate, omnium animas sibi donari poposcit, obtinuit, eripuit, non Christo, sed morti, octo supra viginti exceptis, quos Dei sapientia, ut æquè fortiter ac suauiter sua disponderet, per ignem, & gladium sibi in odorem suauitatis assumpsit. Nec propterea illum à grauioribus pietatis argumentis, nondum suscepta regeneratio, frigescere, non tepescere permisit. Sed cum Anglorum Batauorumq. Oratores, ad laponicum Imperatorem eius amicitiam postulantes, accessissent, sanctæ huius Sedis beatitudinem inuadentes, inuidentes ei saltem, insidiantes, aduersantes; Idates Imperatorem admonet, solam Romanam Ecclesiam esse Christi legitimam uxorem, non habentem maculam, neque rugam; cuius consilio illis dimissis, ad ineundam societatem, cum Philippo Hispaniarum Rege Catholico, huius Matris legitimo filio, deflectere maluit: Consequentia vestro iudicio, Patres Amplissimi, coniicienda relinquo. Roma cogitandum tibi qualis fueris; qualis sis. Sanctum Leonem tantisper audiamus; Quæ eras Magistra erroris, facta es discipula veritatis: Datur ne aliquid apponere? Quæ eras discipula veritatis, facta es Magistra, & Mater veritatis; Columna, firmamentum fidei: Iaponia in errore tibi soror, in veritate fit tibi obsequentiissima famula: fiat eia fiat dilectissima filia. Hucusque zelus pietatis apud Iapones peruenit: Hucusque apud nos peruenire videamus, ut Idatem Regem catechumenum, tuorum numero aggreges. Optimum, Maximum, Summum, Sanctissimum te confitemur; Beatissimum ex eo quem excipis, quando excipis, & quorsum excipis vix indicare potui; Contristor linguam meam, cordi meo non sufficere, tuam beatitudinem penè à limine venerari potui. Prospice tuis supplicibus Mundi Redemptor; qui Ecclesiam tuam B. Francisci meritis foetu nouæ prolis amplificas, famulum tuum Idatem, quem Voxijs Regem præesse voluisti: inter filios adoptionis adscribe, & Apostolicum tuum Paulum, quæ Pastorem Ecclesiæ tuæ præesse voluisti, fac semper præesse feliciter, conserua eum, beatum facias eum in terra; beatum facturum in Cælis, & sicut in dimidio militaris clamidis festiuus, & felix aliquando dixisti, Martinus adhuc catechumenus, hac me veste contexit. Ita in Regia huius quem suscipis, clamide, per Paulum tuum festiue, ac feliciter dicere audiamus. Idates adhuc catechumenus hac me gloria superuestituit, &c.

Ad hanc Orationem à Reuerendiss. D. Petro Strozio, summi Pontificis nomine, in hæc verba responsum est.

PETRI STROZAE

MI
S. D. N. SECRET. APOSTOL.

DOMESTICI

RESPONSIO



VCVNDISSIMUM Sanctissimo Domino. Nostro
Nuncum attulistis, Oratores, piæ, ac religiosè Dei Sacer-
dos Ludouice, & Eques generosè Philippe Faxceura Ida-
tem Masamunem Regem Voxij, cuius tam latum inter Ia-
ponicos Imperium, tam amplæ, ac validæ copiz, atque vi-
res, adeò firma præsidia, cum ex continuo, expeditoq.
belli apparatu, tum ex arctissimo, ac duplici cum summo Iaponiæ Rege,
affinitatis vinculo; succensum diuini amoris ardore, Christianam fidem
recepisse, & adhuc Cathecumenum, fidei propagationem, verumq. Dei
cultum apud suos summo zelo curauisse, ac vos eadem de causa ad san-
ctam Apostolicam Sedem legauisse.

Gaudet summopere Sanctitas sua, & Deo gratias ingentes agit, quòd
ministerij sui Apostolici tempore, Christi Domini Euangelium foeliciter
audiri in Orientalibus Iaponiæ partibus cæperit, eiusq. rei Nuncium al-
latum esse trigesimo tertio anno postquam ex Occidentalibus illius am-
plissimæ Insulæ regionibus primi Christianorum ad summum Pontificem
legati Nauem conscenderunt.

Quasi verò spes, quæ assulserat absoluendi per totum terrarum Orbem
prædicationis Euangelicæ circulum, adimpleri, ac perfici debuerit my-
steriosa annorum periodo, qua humani generis Redemptor in terris pe-
grinari dignatus est.

Diuina igitur misericordia fretus Sanctissimus Dominus Noster uti-
que sperat, Regem Idatem quantocyus candidam ex fonte sacri baptis-
matis vestem sumpturum, sicut ad eius animæ salutem illum efficacissi-
mè hortatur.

Qua fiducia amantissimè recipit vna cum his venerabilibus fratribus
suis S. R. E. Cardinalibus hanc eius piæ voluntatis declarationem, ,
delatumq. per vos sibi, ac sanctæ Apostolicæ Sedi obsequium, ac ve-
nerationem.

Et Deum toto cordis affectu precatur, vt per immensam eius bonitatem
perficiat, quod per ineffabilem suam clementiam in Rege Idate incepit,
nihil & ipse interea prætermisurus, vt quantum cum Domino fieri pote-
rit, ipsius Regis pijs, ac iustis desiderijs satisfiat, subiectorumq. ei popu-
lorum spirituali solatio opportunè prospiciatur.

Sic me vobis respondere iussit. Dixi.

